



小檀欒室彙刻閨秀詞

711.3
52816
30.



閨秀詞鈔續補遺卷三目

- 孟湛六首黃御袍五首蔣起榮二首彭氏二首
葉子眉一首夏沚二首柏葉二首張小蓮二首
沈蘭二首程鳳娥四首馮絃二首蔣文媚二首
殷玉貞二首凌緒二首顧蘭佩一首郭琇二首
趙昭一首周貞媛二首歸湘四首劉淑章三首
李妍二首張桓少三首鄧氏一首張宗孟四首
葉弘緗六首蔣修二首屠紫珍一首賀祿二首
李氏四首查士英八首江淑蘭四首梁善娘四首
鐘嬪二首張慶青一首倪素玉六首

武 輯 一 首 楊惠青 一 首 朝天子 大

李 田 一 首 有子

葉正勝 六首 輯 劍 一 首 朝天子 一首 賢 輯

李 飛 一 首 頭頭少 三首 發 田 一 首 頭宗祖

張 錫 一 首 周貞鸞 一 首 頤 三首 滬寧布 二首

魏玉貞 一 首 素

春 一 首 陳蘭殿 一 首 淚 一 首

水 蘭 二首

默鳳娘 四首 駒 一 首 蔡文熙 二首

葉子風 一 首 夏 一 首

秋 一 首 葉 一 首 趙小英 二首

孟 基 六首 黃曉廬 五首 蕤張榮 一 首 遺 田 一 首

西窗錄卷三目

閨秀詞鈔續補遺卷三

南陵徐乃昌譏錄

孟湛

湛字冰壺長洲人錢岳室著有玉照園詞

錢塘汪鶴孫曰高士居易公次女初生湛時母夏太君夢明月入懷而產襁褓中咿唔成韻甫五歲母逝牽衣悲號儼若成人及長得女兄教四書五經皆知大意於詩歌之外喜填詞而性沈靜溫淑有林下風父居易欲擇賢而才者字之吳門錢子十青家佳舞鶴市中爲愛瓊花來看明月跡寄宛虹橋畔時居易亦僑寓廣陵從余座上見之冰玉相映余爲憇修湛年十八卽合巹於玉照園錢子多父執猶人力臣孝威蘭次蛟門諸君俱賦甥館廣陵詩投贈盈帙稱爲佳句錢子天才縱逸睥睨千古留竹西數年日與賢豪士大夫遊郊勞贈送無十青詩輒引以爲恥不亞君家仲文才名也辛未秋湛偕歸錦樹堂余贈別有莫嫌浪跡無知己恰喜歸來有

舊廬之句錢子與湛坐小樓爐香茗椀問月評
花迭相倡和閨中良友十三年如一日云甲戌
長至樓前臘梅忽雪壓一枝僵萎次晨湛理曉
妝鳳釵又失手而折湛觸緒悲來卽憂鬱成疾
三閱月至除夕言殂錢子時羈廣陵獻歲歸已
易簣二日矣撫棺悲慟幾不欲生喪葬盡禮人
重其伉儷情深余每讀其悼亡詩不覺老淚之
下睫也

金闇錢岳乙亥人日悼亡詩小月穿窗漏起時
簷梅纔放兩三枝菱花獨照衫盈淚綠綺空懸
調絕絲枕上餘香纔七日夢中消息泣孤兒蕙
惟寂寂燈光暗對此良辰那不悲

減字木蘭花

題便面蘭花
見眾香詞

深藏叢谷栽向盆中香更馥別有幽清占得花間君子
名貞心一點裊裊亭亭塵不染靜對無窮寫入丹青

分外工

菩薩蠻

憶夫子

蘭閨日永花慵繡紗窗獨倚垂羅袖燕子做巢忙詩成
難寄郎小新篁窺綠水荷葉青無比風暖不知吹游絲
自在飛

玉樓春

閨情

空閨日夜和塵閉郎馬何時門外繫愁中眉讓遠山長
病裏腰添弱水細柔如烟一種津頭樹可喜誰知還可
怒榆錢難買少年回柳綫能牽幽夢去

鵲橋仙

水南林自喜芙蓉四時開矣

一泓清淺數莖隱見嬌怯還藏半面凌波綽約步輕塵
覺風過香來庭院紅妝零亂翠蓋凋殘秋老露珠灑
遍相思不識心中苦絲絲斷續情何怨

蝶戀花

錦樹卽事

梳罷曉妝屏上倚
欲把金鍼玉腕嬌無力
不捲珠簾窺竹裏
翠禽飛下闌干嘴
步向荷缸閒弄水
荷葉田田似有清香起
照面水中私自喜
芙蓉四月先開矣

鳳凰臺上憶吹簫

風淡烟濃困人天氣
繡衾香暖貪眠惱
曉鶯啼破春夢
闌珊強起悄登妝閣
無限恨多上眉尖
漫贏得鏡中人對著意相憐
漸漸愁成病也任雲鬢蓬鬆
懶整花鉗把鳳釵輕擲
日日虛占無奈青鸞信杳
憑欄望淚眼將穿
春郊外馬嘶芳草常認歸鞭
無由風颺不映丸漪

黃御袍

志人門 御袍字九百新昌人給練黃象雍女孫錢岳繼

室著有萸閣詩餘

秋夜憶夫子客淮安

見鳳香詞

月淡燈昏自家將息除非睡漏聲花裏不斷如清淚

羅帳風寒夢覺人千里披帷起長空露洗畫閣還孤倚

浣溪沙

正字闌干青粉牆滿頭珠翠隔花香草烟鋪綠襯鴛鴦
竹徑蕭蕭人不到嬌羞頻綰越羅裳雲鬟映水額山

黃

鳳棲桐

集詞名春日憶外

門巷賣花聲不絕夜夢揚州滿路花如雪且踏莎行無

氣力春風嬾娜吹來劣 春光好望江南色水調歌頭
金縷清音別減字偷聲一斛珠琵琶仙曲青衫濕

玉樓春春暮寄外

韶華欲暮鶯聲碎望遠凭欄千里意落花滿地繡成茵
人在繡茵深處醉 羨他飛鳥無雙翅空想王孫芳草
媚願爲柳絮倩東風吹向郎邊撩亂墜

鳳凰臺上憶吹簫

丁丑七夕懷姑

月照空庭風生小院畫欄倚盡黃昏怕更殘漏永愁思
難禁驀憶去年此夜花陰裏攜手同行而今是難通尺
素雁杳魚沈 堪尋銀河天上尙一年一會悄度雙星
怎人閒冷落偏隔浮雲淚洗胭脂零亂無心拭驗取榴

裙幾時得風清月白細訴酸心

蔣起榮

小窗人 起榮字素行泰州人適戚氏著有臥松吟草
蕉葉怨

咏柳

見眾香詞

雨霽晚烟收嫩綠微黃映小樓占得妝臺新畫樣眉頭
常伴佳人翠黛鉤青眼爲誰投瘦盡纖腰只帶愁日
永三眠渾未起悠悠萬縷情絲漾釣舟

天仙子

梅

孤山舊日原貧素夢魂不到羅浮誤補天造化歲寒心
冰霜數年年點破炎涼路且覲卻精神全付休笑做
流光遲暮總然傲骨便逢春非雪壓還雨妬幾番厯盡

心如故

彭楚氏

彭楚氏字口口河南鄧州人詩人禹峰女李青立室

著有長林蝶龕諸稿

如夢令

見眾香詞

幾欲探春無計長想那人佳麗羨殺石榴裙輕罩雙鴛
繞地留意留意芍藥欄邊遊戲

海棠春

綠窗人靜鶯聲小清明近春光漸老細雨濕梨花翠被
餘寒悄雙鬢含笑低聲報道亭畔小桃開了試問捲
簾看早又遊蜂繞

葉子眉

子眉字□□江都人

眾香詞子眉從事宮中後歸燕宦

悲愁阮郎歸

題陳素素像

見眾香詞

風塵何處遇仙姝行雲卻到吳自從羅帶繫明珠蕪城
夜月孤吟狂小杜病相如鍾情絕世無卿卿除卻影誰
俱相憐只畫圖

夏風汎

賞武春汎字湘友無錫人辭繼英室

蘇蕙金北縉紳多推許畫亦蕭疏逸氣有元人之風

見眾香詞

舊閣賞先春

閑居偶讀唐詩卷三

小檀樂室

畫閣紅梅映照流蘇帳曉隔紗牕啼春鳥春漸融了
繡茵金屋輕寒峭麝蘭縹渺綺羅勝致誇仙眷風流少

賞先春春意早

真風中柳

風送簫聲長憶玉人何處無端愁緒憑誰訴箇人咫尺
郤似天台路難遣雙魚傳尺素題遍花箋總是個悲
秋賦新桐初引徘徊顧強舒病眼脈脈空凝竚如癡也

我愁難數

栢葉

葉字清香陝西武功人著有晨香樓集

葉生查子

見鳳香詞

停繡喚雙鬟隨我園林要爲折海棠花行過鞶架
牆外少年郎潛駐青驄馬欲覲又含羞躲入花陰下

鷓鴣天

送別

鎮日無心掃畫眉臨行愁見濕征衣樽前只恐傷郎意
悶淚汪汪不敢垂停寶馬捧金卮相斟相勸忍分離
不如飲待奴先醉圖得不知郎去時

張小蓮

蘇文忠公集卷之三
小蓮字西陂吳縣人

蝶戀花

春去

見嚴香詞

鶯鶯欲留春住儂意只推春去何事爲春來添得許多
愁句無緒無緒又是撲簾飛絮

聞說海棠開盡了怎生得夜來一笑嫩綠枝頭落紅陣
裏問有知多少去小院閉門春悄悄禁不得瘦腰如嫋荳
蔻濃時茶糜香處試把菱花照

沈小蘭

小賦於蘭字蘊貞秀水人著有繡餘草

長相思

夜落金錢

見眾香詞

思無端悶凭欄憐惜苔階夜落錢秋風簾外寒欲題
詩偶成詞驀憶當年暗卜時閒愁惟自知

清平樂

千日紅

紅開千日細簇心難測老去秋光深歎息點點離人淚

積朝來無限愁腸庭花可破淒涼不向西風零落相

看惟爾情長

詞于大白齋林殊編

程鳳娥

詞于大白齋林殊編

鳳娥字映碧休甯人江都王庭錄室

書空

眾香詞映碧王詩詞寫生得北宋遺意適江都太學王庭錄

搗練子

見眾香詞

臘未盡柝逾長惄惄歲暮最淒涼庭梅牕外飄殘雪何事良人滯遠方

千秋如夢令

春閨

竟日湘簾慵捲窗外已來新燕雙袖倚雕欄日暖風和人倦人倦人倦獨上畫樓排遣